

Fréttabréf

stéttarfélaganna í Þingeyjarsýslum

2. tbl. 22. árgangur • Mars 2011





Forsíðumyndin er af Ölveri Práinssyni starfsmanni Norðlenska á Húsavík. Ölver er jafnframt trúnaðarmaður starfsmanna. Myndina tók Aðalsteinn Á. Baldursson.

Atvinnurekendur ATH!

Hvetjum atvinnurekendur til að hafa samband við Hilmar á skrifstofu stéttarfélaganna (framsyn@framsyn.is) ef einhver laus störf eru í boði. Framsýn.

FRAMSYN
STÉTTARFÉLAGANNA

Gangnamiðar hækka

Vegna verðhækkunar sem orðið hefur hjá Speli á ferðum í gegnum Hvalfjarðargöngin hækka miðar í göngin sem eru til sölu á Skrifstofu stéttarfélaganna í kr. 600 um næstu mánaðamót.

Vildu fræðast um skattkerfisbreytingar og fleira



Hópur erlendra verkamanna fundaði með fulltrúum Framsýnar um þjóðfélagsmál.

Erlendir starfsmenn á Húsavík óskuðu nýlega eftir fundi með fulltrúum Framsýnar. Höfðu þeir áhuga á að ræða nokkur mál við fulltrúa félagsins. Á annað hundrað erlendra starfsmanna starfa á Húsavík um þessar mundir, flestir þeirra starfa við fisk- og kjötvinnslu. Áhugi var fyrir því að fræðast um nýju skattkerfisbreytingamar og hvernig þær kæmu út fyrir verkafólk og barnafjölskyldur. Þá spurðu þeir út í þjóðaratkvæðagreiðsluna um Icesave þar sem takmarkaðar upplýsingar væru á öðrum tungumálum en íslensku. Sögðust þau fá fréttir af ástandinu á Íslandi í gegnum erlenda fjölmiðla. Ljóst

er að íslensk stjórnvöld og aðrir þeir sem koma að Icesave málinu mættu gera miklu meira af því að upplýsa erlenda íbúa þessa lands um gang mála þar sem fréttir í erlendum fjölmiðlum eru oft mjög villandi og gefa ekki rétta mynd af ástandinu á Íslandi. Á fundinum var einnig komið inn á verkalýðsmál, heilbrigðisþjónustu og vöruúrval í matvörubúðum á Húsavík. Í lok fundarins þokkuðu erlendu starfsmennirnir fulltrúum Framsýnar fyrir góðar upplýsingar en félagið hefur lagt mikla áherslu á að viðhalda góðu sambandi við erlenda félagsmenn sem starfa á félagsvæðinu og þeir kunna vel

Þrumuræða formanns sló í gegn

Formaður Framsýnar var ræðumaður á baráttufundi sem haldinn var á Austurvelli en slíkir fundir hafa verið haldnir þar á laugardögum í vetur. Ræðan vakti mikla athygli og voru m.a. erlendir fjölmiðlar á staðnum. Á heimasíðu Hagsmunasamtaka heimilanna stendur. "Aðalsteinn Á. Baldursson frá Stéttarfélaginu Framsýn kom í heimsókn frá Húsavík og þrumaði yfir vellinum með miklum norðlenskum krafti. " Hægt er að hlusta á ræðuna með því að fara inn á heimasíðu Framsýnar, framsyn.is. Þá er einnig hægt að hlusta á hana á



Aðalsteinn hélt þrumandi ræðu á Austurvelli. Ræðan vakti mikla athygli og hefur töluvert verið fjallað um hana í fjölmiðlum auk þess sem margir hafa sett sig í samband við Skrifstofu stéttarfélaganna og þakkað formanninum fyrir góða ræðu.



Brátt fyrir vont vedur komu hundruðir manna á Austurvöll. Hér má sjá fólk safnast saman fyrir uppbjaf fundarins. Innlendir sem erlendir fjölmiðlar voru einnig á staðnum.

Áskorun til sjávarútvegsráðherra

Stjórn og trúnaðarmannaráð Framsýnar samþykkti að senda eftirfarandi áskorun á Sjávarútvegsráðherra og varðar aukningu á þorskvóta.

„Framsýn- stéttarfélag skorar á Sjávarútvegsráðherra að auka nú þegar við þorskvóta á yfirstandandi fiskveiðidári þar sem margt virðist benda til þess að mun meira sé af fiski í sjónum en rannsóknir sýna. Ljóst er að fjöldi báta mun stöðvast á næstu vikum vegna kvótaleyfis með tilheyrandi atvinnuleysi meðal sjómanna og fiskvinnslufólks. Um þessar mundir eru um 17.000 manns á atvinnuleysisráði, sem er ekki bara ömurlegt fyrir þá sem ráfa atvinnulausir um stræti og borg, heldur kostar atvinnuleysið ríkissjóð um 25 milljarða á ári miðað við stöðuna eins

og hún er í dag. Að mati Framsýnar er því full ástæða til að ígrunda það mjög gaumgæfilega hvort ekki sé rétt að taka tillit til fréttu af mikilli fiskgengd í kringum landið og auka kvótann tímabundið í samráði við hagsmunaaðila. Góð veiði undanfarið bendir til þess að mun meira sé af þorski í sjónum en mælingar Haffrannsóknarstofnunar sýna. Ekki þarf að fara mörgum orðum um þýðingu þess fyrir þjóðarbúið að aflinn verði aukinn, ekki síst í ljósi efnahagsástandsins og þess mikla atvinnuleysis sem er viðvarandi í þjóðfélaginu. „

Fundarsalurinn tekinn í gegn

Í byrjun júní er áætlað að fara í viðamiklar endurbætur á fundaraðstöðunni í suðurhluta húsnæðis stéttarfélaganna að Garðarsbraut 26. Breytingarnar eru löngu tímabærar og verða væntanlega boðnar út í apríl/maí. Miðað er við að hægt verði að hefja framkvæmdir í byrjun júní og

þeim ljúki síðar í sumar. Arnhildur Pálmadóttir arkitekt er þessa dagana að hanna breytingar á húsnæðinu þannig að salurinn verði stækkaður um 25m² og þá verða gerðar þrjár nýjar skrifstofur í stað einnar sem er í dag. Ljóst er að með breytingunum mun starfsemi stéttarfélaganna eflast

Hátíð í sjónmáli

Stéttarfélagin munu standa fyrir veglegri hátíðardagskrá í íþróttahöllinni á Húsavík þann 1. maí. Hátíðin hefst kl. 14:00 og eru

allir Íslendingar velkomnir í höllina þar sem gleðin og tónlistin verða við völd að venju.

ASÍ leitar eftir skoðunum



Það var fíngulegur bópur kvenna sem kom frá Verkalýðsfélagi Þórshafnar á fundinum um skipulagsmál ASÍ sem haldinn var á Húsavík.

Alþýðusamband Íslands hefur undanfarið staðið fyrir fundum er snerta stefnumál sambandsins og innri mál. Sem dæmi má nefna að ASÍ stóð fyrir tveggja daga fundi á Selfossi um lífeyrissjóðsmál og starfsemi lífeyrissjóða. Þá hafa þeir verið á ferðinni um landið og fundað um skipulagsmál sambandsins með fulltrúum aðildar-

félaga sambandsins. Einn slíkur fundur var haldinn á Húsavík með fulltrúum stéttarfélaganna í Pingeyjarsýslum og Einingar-löðu á Akureyri. Fundirnir hafa almennt verið málefnalegir og góðir og ástæða er til að hrósa sambandinu fyrir þessi vinnubrögð enda verði niðurstaða fundanna notuð til að efla sambandið til góðra verka.

Frekari fréttir

Við viljum minna lesendur Fréttabréfsins á að daglega birtast fréttir á heimasíðu stéttarfélaganna, framsyn.is. Þar má sjá frekari umfjöllun um fréttirnar í

Fréttabréfinu og myndir af daglegu lífi fólks. Fjöldi fólks fer daglega inn á síðuna og skoðar fréttirnar. Við skorum á þig að gera það líka ef þú gerir það ekki nú þegar!

Aðalfundur Framsýnar

stéttarfélags verður haldinn þriðjudaginn 20. apríl kl. 18:00 í fundarsal félagsins.

- Dagskrá
1. Venjuleg aðalfundarstörf
 - a) Félagaskrá
 - b) Skýrsla stjórnar
 - c) Ársreikningar
 - d) Umræður um skýrslu stjórnar og reikninga
 - e) Kosning löggilts endurskoðanda
 - f) Lagabreytingar
 - g) Ákvörðun árgjalda
 - h) Laun stjórnar
 2. Breytingar á félagsaðstöðu
 3. Önnur mál

Boðaðar lagabreytingar og ársreikningar félagsins munu liggja fyrir á skrifstofu félagsins viku fyrir fund. Félagar fjölmennið, veitingar verða í boði.

FRAMSÝN

Hressar konur í Grunnskóla Raufarhafnar



Sigrún, Jóhanna skólastjóri og Berglind starfa allar í Grunnskóla Raufarhafnar. Þær eru alltaf í stuði og því gaman að koma til þeirra í heimsókn. Undir létu spjalli buðu þær upp á kaffi og heimabakaða tertu af bestu gerð. Þá vildu þær koma því á framfæri að þær væru mjög ánægðar með Fréttabréf stéttarfélaganna.

Það var fallett veður á Raufarhöfn þegar fulltrúar Framsýnar voru þar í heimsókn síðasta föstudag. Komíð var við á nokkrum vinnustöðum og spjallað við starfsmenn og stjórn-

endur. Rólegt var við höfnina enda ekki gott sjóveður. Aðeins einn bátur var á sjó, Þorsteinn GK, sem er á netaveiðum.

Viðbótarmenn í stuði



Allt á fullu við úrbeiningu á boldugum nautum.

Kjötiðnaðarfyrirtækið Viðbót á Húsavík hefur starfað frá því í árslok 2003. Frá þeim tíma hefur starfsemi fyrirtækisins tífaldast. Um þessar mundir starfa 8 starfsmenn hjá fyrirtækinu. Þegar forsvarsmenn Framsýnar voru þar á ferð var verið að úrbeina stórt og mikið naut frá Hákonni í Árbót. Nautið sem var þriggja ára vó 494,9 kíló og flokkaðist sem un1-úrval. Að sögn Viðbótarmanna hafa þeir verið að kaupa naut af bændum til úrbeiningar og frekari framleiðslu. Kjötvörurmar hafa selst vel og hafa þeir vart undan að framleiða.

Þá hafa þeir auk þess tekið að sér verkefni fyrir Fjallalamb í úrbeiningu á lambakjöti. Minna



Má bjóða þér að kaupa fersket gadaokkjöt á góðu verði? Viðbót er með kjötborð sem er vinsalt meðal neytenda á stór Húsavíkursvæðinu.

hefur hins vegar verið að gera í úrbeiningu á hreindýrakjöti enda sala á kjötinu dregist verulega saman auk þess sem óhagstætt er að flytja kjötið inn til frekari vinnslu vegna óhagstæðs gengis. Viðbót samanstendur af góðu fagfólki sem er að gera frábæra hluti. Þá hafa þeir opið kjötborð virka daga frá 09:00 til 17:00. Þar geta neytendur fengið ferskar og ódýrar kjötvörur sem full ástæða



Berglind Samúelsdóttir er ekki í úrbeiningu, hún er hins vegar í bókhaldinu og brosti bara yfir tilfæringum ljósmyndarans.

Sumarhús, íbúðir, hótél og fleira

-fjölbreyttir orlofskostir fyrir félagsmenn

Samstarf félaganna – fjölbreyttir möguleikar

Stéttarfélagin í Píngeyjarsýslum; Framsýn, Píngið, Starfsmannafélag Húsavíkur og Verkalýðsfélag Þórshafnar bjóða félagsmönnum sínum upp á sameiginlega orlofskosti í sumar eins og undanfarin ár.

Félagsmönnum bjóðast orlofshús, íbúðir, gistiávisanir á Gistihúsi Keflavíkur og Hótél Keflavík, Foss- og Edduhótélum, gisting á farfuglaheimilum og endurgreiðsla á gistikostnaði á tjaldsvæðum og vegna kaupna á útlegukortum.

Hótél Keflavík, Gistihús Keflavíkur, Fosshótél Barón í Reykjavík, Fosshótél Lind í Reykjavík og nokkur Farfuglaheimili eru opin allt árið og gildir afsláttur til félagsmanna þar einnig yfir vetrarmánuðina.

Ekkert puntakerfi er við lýði hjá stéttarfélagunum í Píngeyjarsýslum. Leitast er við að sem flestir félagsmenn sem sækja um orlofskosti fái úthlutað orlofskosti.

Umsóknarfrestur er til 13. apríl

Orlofshús og -íbúðir

Líkt og undanfarin ár bjóða félög upp orlofshús og íbúðir. Ákveðið hefur verið að leigugjald fyrir orlofshús verði kr. 20.000 á viku og kr. 17.000 á viku fyrir íbúðir í Reykjavík. Almennir skiptidagar eru föstudagar.

Á umsóknareyðublaði sem fylgir fréttabréfinu kemur fram hvaða vikur orlofshúsinn eru í boði. Í sumar standa félagsmönnum til boða eftirtalin orlofshús og íbúðir:

• Orlofsíbúðir Freyjugötu Reykjavík



Freyjugata 10 Reykjavík.

1 hæð: 2 svefnherbergi
2. hæð: 1 svefnherbergi og svefnsófi
3. hæð: Stúdíóíbúð

Stéttarfélagin bjóða félagsmönnum sínum upp á gistingu í 3 orlofsíbúðum við Freyjugötu í Reykjavík. Íbúðirnar eru vel staðsettar í göngufæri frá

miðbæ Reykjavíkur og Landspítalanum.

Á 1. hæð er íbúð með tveim svefnherbergjum. Svefnherbergi með hjónarúmi og barnaherbergi með koju. Auk þess eru tvær aukadýnur í íbúðinni.

Á 2. hæð er íbúð með eitt svefnherbergi með hjónarúmi. Í stofu er tvíbreiður svefnsófi og tvær aukadýnur.

Á 3. hæð er stúdíóíbúð, þannig að eldhús, stofa og svefnaðstaða er í sama rýminu. Í íbúðinni er hjónarúm, einmenningsrúm og tvær aukadýnur.

• Orlofsíbúð Asparfelli Reykjavík



Asparfell 8 Reykjavík
Íbúð: 1 svefnherbergi og svefnsófi

Í Breiðholtinu er boðið upp á íbúð á 1. hæð í fjölbýlishúsi. Í íbúðinni er 1 svefnherbergi með hjónarúmi, tvíbreiður svefnsófi er í stofu og tvær aukadýnur.

Í Asparfellinu eru stutt í þjónustu, t.d. er fjöldi verslana rétt við íbúðina.

• Orlofshús Húsafelli



•Orlofshús Húsafelli- NÝTT
2 svefnherb. + svefnsófi

Húsafell hefur lengi verið eitt vinsælasta orlofssvæði landsins. Í sumar bjóða stéttarfélagin félögum sínum upp á nýjan orlofskosti í Húsafelli í Borgarfirði. Í húsinu eru tvö svefnherbergi, annað með hjónarúmi og hitt með einu rúmi 1,5 breidd. Einnig er í húsinu svefnloft með dýnum fyrir 5 - 10 einstaklinga. Þess utan eru borðstofa og setustofa, stór verönd umvafin skógi og heitur pottur.

• Orlofshús Stóruskógum

Í orlofsbyggðinni Stóruskógum, sem er 21 km. fyrir norðan Borgarnes, er boðið upp á 54 m² orlofshús. Í húsinu eru þrjú svefnherbergi, eitt með hjónarúmi



Stóruskógar við Munaðarnes
3 svefnherbergi

og hin tvö með koju. Við húsið er heitur pottur og stór verönd. Þjónustumiðstöð er skammt frá í Munaðarnesi.

Frá Stóruskógum er stutt á flesta áfangastaði á Suð-vesturlandi og Snæfellsnesi.



Kjarnaskógur við Akureyri
3 svefnherbergi

• Orlofshús Kjarnaskógi

Í Kjarnaskógi við Akureyri er boðið upp á vel búið 53 m² orlofshús. Í húsinu er þrjú svefnherbergi, eitt með hjónarúmi og tveim aukadýnum og hin tvö með koju. Við húsið er góð verönd og heitur pottur.



Illugastaðir Fnjóskadal
2 svefnherbergi og svefnsófi

• Orlofshús Illugastöðum

Í boði er nýlegt 48 m² orlofshús í orlofsbyggðinni Illugastöðum í Fnjóskadal. Byggðin er staðsett á milli Húsavíkur og Akureyrar.

Í húsinu er tvö svefnherbergi, annað með hjónarúmi og hitt með tveim kojum. Í stofu er svefnsófi. Við húsið er góð verönd með heitum potti.

Á Illugastöðum er gott leiksvæði



Dranghólaskógur Öxarf.
3 svefnherbergi

fyrir alla fjölskylduna og sundlaug.

• Orlofshús Öxarfirði

Í Dranghólaskógi við Lund bjóða félög upp á orlofshús allan ársins hring. Húsið er vel búið með þrem svefnherberjum, einu með hjónarúmi og hinum með kojum. Í húsinu eru tvær aukadýnur. Í ár verður húsið í leiguskiptum frá 27. maí til 26. ágúst en hægt er að fá húsið leigt utan þess tíma.



Eiðar á Héraði
3 svefnherbergi

• Orlofshús Eiðum- MIKIÐ ENDURBÆTT

Í orlofsbyggðinni Eiðum, sem er 14 km norðan við Egilsstaði, er boðið upp á 54 m² orlofshús. Miklar endurbætur hafa verið unnar á húsinu og í nágrenni þess. Aðgengi að húsinu hefur verið bætt verulega. Húsið stendur við Eiðavatn og fylgir því aðgangur að árabát.



•Orlofshús Djúpavog- NÝTT
4 svefnherbergi

• Orlofshús Djúpavogi

Í sumar bjóða stéttarfélagin upp á nýjan orlofskosti á Djúpavogi. Um er að ræða íbúð á efri hæð í gamla Pósthúsinu sem staðsett er í miðju þorpínu. Þaðan er stutt í alla þjónustu en mikill ferðamannastraumur er um Djúpavog yfir sumarið. Í húsinu er 4 svefnherbergi með svefnpláss fyrir 7. Auk þess er góð stofa, eldhús og þvottahús í húsinu.

• Orlofshúsið Mörk



Mörk Grímsnesi
3 svefnherbergi

Grímsnesi

Orlofshúsið er um 52 m² að stærð með þremur svefnherberjum. Í einu þeirra er hjónarúm og efri kjoja en í hinum eru kjojur. Við húsið er góð verönd og heitur pottur. Húsið er vel staðsett um 15 km frá Selfossi, vestarlega í Grímsnesinu við Sogið.



Útgarður Grímsnesi
2 svefnherbergi + svefnsófi

• Orlofshúsið Útgarður Grímsnesi

Í boði er stórt orlofshús, um 100 m² (svefnloft innifalið). Í húsinu eru tvö svefnherbergi með hjónarúmmum og í öðru þeirra er aukarúm. Auk þess er í húsinu 28 m² svefnloft með tveim rúmum og 4 dýnum.

Við húsið er góð verönd og heitur pottur. Húsið er vel staðsett um 18 km frá Selfossi, vestarlega í

Grímsnesinu skammt frá Sogs-



Ölfusborgir
3 svefnherbergi + svefnsófi

virkjunum.

• **Orlofshús Ölfusborgum**
Í boði er orlofshús í orlofsbygginginni Ölfusborgum við Hveragerði. Húsið er 55 m² þrjú svefnherbergi. Í einu þeirra er hjónarúm en í hinum eru kjojur. Góð verönd og heitur pottur er við húsið.

• Reykingar og húsdýr

Reykingar eru bannaðar í sumarhúsum og íbúðum á vegum félagsanna. Félagsmenn eru hvattir til að virða þetta bann.

Húsdýr eru ekki leyfð í orlofshúsum og íbúðum.

Brót á þessum reglum varða tafarlausi brottvikningu úr húsnæðinu.



Hótelgisting á Eddu

Félagsmönnum býðst gisting á 13 Edduhótelum sem staðsett eru um allt land. Hótelin eru: ML Laugarvatni, IKI Laugarvatni, Skógar, Nesjaskóli, Neskaupsstaður, Egilsstaðir, Eiðar, Akureyri, Stórutjarnir, Vík, Laugarbakki, Sælingsdalur og Ísafjörður.

Félagsmenn kaupa á Skrifstofu stéttarfélaganna gistiávisun fyrir uppþúð tveggja manna herbergi með handlaug og bóka sér síðan gistingu þar sem þeir

kjósa. Heimilt er að hafa með sér börn án sérstaks aukagjalds ef viðkomandi hefur með sér rúmföt fyrir þau. Hótelíð leggur til dýnur. Félagsmenn fá góðan afslátt og að auki niðurgreiða stéttarfélagin hverja nótt um kr. 2.000,-. Athugið að morgunverður er ekki innifalinn og misjafnt framboð er hjá einstökum hótélum eftir tímabilum.

Nánari upplýsingar á www.hoteledda.is

Gisting í farfuglaheimilum

Félagsmönnum og fjölskyldum þeirra býðst gisting á farfuglaheimilum en þau eru 36 og staðsett um allt land.

Þeir sem kjósa að gista á farfuglaheimilum fá aðgang að rúmi, sæng kodd, snyrtingu, baðaðstöðu og gestaeldhúsi. Algengast er að ferðamenn hafi með sér sængurföt eða svefnpoka. Víða er hægt

að leigja sængurföt og kaupa morgunverð. Yfirleitt er aukagjald fyrir þá sem vilja sér herbergi.

Gistiávisanir fyrir farfuglaheimili er hægt að fá á Skrifstofu stéttarfélaganna. Allar nánari upplýsingar eru veittar þar eða á heimasíðu farfugla www.hostel.is eða á skrifstofu þeirra í síma 553-8110.



Hótelgisting á Fosshótelum

Félagsmönnum býðst gisting á Fosshótelum sem staðsett eru í Reykjavík, Reykholti, Húsavík, Dalvík, Laugum, við Hornafjörð, Skaftafelli og Hellu.

Félagsmenn kaupa gistiávisun á Skrifstofu stéttarfélaganna fyrir uppþúð tveggja manna herbergi með baði og morgunverði fyrir tvo og bóka síðan gistingu.

- Almennt verð fyrir gistinóttina er kr. 6.000 með niðurgreiðslu.
- Frítt er fyrir eitt barn undir 12 ára aldri í herbergi með foreldrum.
- Aukarúm kostar kr. 4.000 með morgunmat.

• Í júní er kr. 5.000 aukagjald fyrir gistingu í Skaftafelli, Barón og Lind.

• Í júlí og ágúst skal greiða með 2 gistimiðum fyrir hverja nótt.

Einnig býðst gisting á Grand Hótel Reykjavík í júlí og ágúst en þá er greitt fyrir hverja nótt með tveimur gistimiðum.

FOSSHÓTEL

Gisting á Hótel Keflavík

Félagsmönnum býðst ódýr gisting á Hótel Keflavík, sem er góður kostur fyrir þá sem eru að ferðast um Keflavíkurflugvöll.

Félagsmenn kaupa gistiávisun á skrifstofu stéttarfélaganna og bóka gistingu á hótelinu. Í boði er einmennings-, tveggja manna- og fjölskylduherbergi. Félögin niðurgreiða einnig gistinóttina um kr. 2.000 fyrir hvern fullgildan

félagsmann.

Morgunverður er veittur árla morguns fyrir gesti hótelsins sem þurfa að fara snemma í flug og er þeim síðan boðinn akstur á flugstöðina og geymsla á bílnum meðan dvalið er erlendis endurgjaldslaust.

Nánari upplýsingar á www.hotelkeflavik.is

Gisting á Gistihúsi Keflavíkur

Stéttarfélagin hafa samið við Gistihús Keflavík um afslátt af gistingu fyrir félagsmenn. Auk þess niðurgreiða félögin hverja gistinótt um kr. 2.000,- fyrir hvern fullgildan félagsmann. Gistihús Keflavíkur er góður valkostur fyrir þá sem eru að ferðast til og frá

Íslandi en aðeins 6 mínútna akstur er að Flugstöð Leifs Eiríkssonar. Boðið er upp á morgunverð frá klukkan 04:30 alla daga. Akstur til og frá Keflavíkurflugvelli innifalinn í verði. Nánari upplýsingar á www.bbkeflavik.com

Útilega í boði þíns stéttarfélags

Félagsmenn og fjölskyldur þeirra geta nú sótt um styrk vegna gistingar á tjaldstæðum og við kaup á útilegukortinu. Það gerist þannig að félagsmenn og fjölskyldur þeirra fara með sitt tjald, tjaldvagn, fellihýsi, hjólhýsi eða annan búnað á tjaldsvæði innanland, fá löglegan reikning (númeraður reikningur með kennitölu

söluaðila og kaupanda þjónustu), framvísa síðan reikningnum á Skrifstofu stéttarfélaganna og fá endurgreiðslu fyrir hluta upphæðarinnar.

Skilyrði fyrir þessari greiðslu er að félagismaður sé í a.m.k. 50% starfi, sé fullgildur félagismaður og hafi greitt félagsgjöld í a.m.k. 3 mánuði.

Umsóknarfrestur

Með þessu fréttabréfi fylgir umsóknareyðublað um orlofshúsin og íbúðirnar, sem einnig er hægt að nálgast á heimasíðu félagsanna www.framsyn.is. Umsóknum skal skila til Skrifstofu stéttarfélaganna í síðasta lagi 13. apríl nk.

Fundað með atvinnuleitendum fyrir austan



Soffía og Hilmar báða sig hér í góða veðrinu á Raufarhöfn. Þau voru þar ásamt formanni Framsýnar að funda með atvinnuleitendum.

Fulltrúar Framsýnar og Vinnu-
málastofnunar stóðu fyrir tveimur
fundum með atvinnuleitendum
í Norðurþingi. Fundað var á
Kópaskeri og á Raufarhöfn. Soffía
Gísladóttir frá Vinnu-
málastofnun gerði grein fyrir úrræðum og
starfsemi stofnunarinnar. Þá
gerðu fulltrúar Framsýnar, þeir
Aðalsteinn Á. Baldursson og
Hilmar V. Gunnarsson grein
fyrir aðkomu félagsins að mál-

efnum atvinnulausra. Þeir gerðu
fundarmönnum einnig grein fyrir
úrræðum sem félagið vinnur að
og viðkemur atvinnuleitendum.
Fundirnir voru upplýsandi og góðir
og voru atvinnuleitendur ánægðir
með framtak Vinnu-
málastofnunar og
Framsýnar að boða til funda
um málefni atvinnulausra. Þá
má geta þess að aðilar ráðgera
að funda með atvinnuleitendum
í Pingeyjarsveit og Mývatnssveit

„Öfugmæli að kenna sáttmálann við stöðugleika“

Aðalsteinn Á. Baldursson, for-
maður Framsýnar, vill slíta stöðug-
leikasáttmálanum sem aðilar
vinnu-
markaðsins og stjórnvöld
undirrituðu í fyrrasumar. Það
eina sem samningurinn hafi gert
er að þyngra gríðarlega byrðar
almennings í landinu. Því sé ekki
hægt að kenna sáttmálann við
stöðugleika. „Hér býr tæplega 50%
þjóðarinnar við kjaraskerðingu
frá hruninu, skuldir heimilanna
hafa margfaldast og atvinnuleysi
er gríðarlegt og fer vaxandi.
Í stöðugleikasáttmálanum er
auk þess talað um að flýta fyrir

stórframkvæmdum og atvinnu-
uppbyggingu sem efndir hafa ekki
orðið á,” segir Aðalsteinn í samtali
við fjölmiðla og í Silfri Egils. Hann vill
að Alþýðusambandið og Samtök
atvinnulífsins slíti samningnum.
„Ég veit ekki um eitt einasta
atriði þar sem samningurinn
hefur hjálpað til við uppbyggingu
heimilanna.” Aðalsteinn segir
að heiti stöðugleikasáttmálans
sé afar merkilegt. „Það er algjört
öfugmæli að kenna sáttmálann við
stöðugleika. Ég veit ekki um neinn
sem hefur orðið var við einhvern
stöðugleika í landinu. Ég auglýsi

Aðalfundur VP



Aðalfundur Verkalýðsfélags Þórshafnar verður
haldinn 27. apríl 2010 kl.20:00 í Verinu á Þórshöfn.
Dagskrá: Venjuleg aðalfundarstörf.
Nánar auglýst síðar.

Stjórn VP

Vel gengur hjá Norðlenska



Sigmundur ræðir hér við Ragnheiði og nafna sinn sem voru í óða önn að ganga frá úrvals saltkjöti í söluumbúðir.

Einn af öflugustu vinnustöðum
á félagssvæði stéttarfélaganna í
Pingeyjarsýslum er Norðlenska
á Húsavík. Þar starfa um 46
starfsmenn um þessar mundir
en voru fleiri fyrir áramót þegar
jólavertíðin var í gangi. Síðasta
haust var sláttrað um 70 þúsund
fjár og gekk sláturtíðin vel að
vanda og gekk auk þess ágætlega
að manna sláturtíðina. Dregið
hefur úr lambakjötssölu sem er
afleiðing ástandsins í þjóðfélaginu
en Norðlenska á Húsavík
sérhæfir sig í vinnslu og sölu á
lambakjöti. Mest af kjötinu fer á
innanlandsmarkað. Norðlenska
flytur einnig út kjöt og reyndur
bein líka af skrokkum sem hafa
verið úrbeinaðir. Þegar formaður

Framsýnar var í skoðunarferð í
fyrirtækinu rétt fyrir spengidaginn
var allt á fullu enda verið að
undirbúa dýrindis saltkjöt fyrir
neytendur. Allt kjöt var komið í salt
og unnið að því hörðum höndum
að pakka lostætinu í viðeigandi
umbúðir. „Miðað við það magn
sem við seljum má áætla að um
150.000 manns borði saltkjöt frá
okkur, sem er ekki lítið og ljóst
að hlutirnir verða að vera í lagi á
þessum mikla lambakjötssæði,”
sagði Sigmundur Hreiðarsson
sem lýðsaði formann Framsýnar
um fyrirtækið. Eftir góða kynningu
á starfsemi fyrirtækisins bauð
Sigmundur Aðalsteini í mat, þó
ekki í saltkjöt heldur dýrindis
pottrétt hjá Guðrúnu úr Árholti



Vidgerðarmennirnir, Birkir og Kristján, í sínu beilaga enda báðir flottir.



Hver er með fallegasta brosið? Þeir góðir og tryggir starfsmenn Norðlenska.

Starf Framsýnar dregur úr atvinnuleysi

Frá því að Framsýn, ásamt samstarfsaðilum, fór af stað með verkefnið „Aftur í vinnu“ hafa alls 13 atvinnuleitendur komist í vinnu í gegnum atvinnumiðlunina okkar. Þessi atvinnumiðlun er ekki mjög formleg. Hún virkar þannig að við setjum okkur í samband við atvinnurekendur á svæðinu og biðjum þá um að láta okkur vita af öllum lausum störfum sem í boði eru. Þessi störf auglýsum við svo á Opna húsinu og aðstoðum atvinnuleitendur við að sækja um störf. Enn á eftir að manna nokkur laus störf og hægt er að nálgast allar nánari upplýsingar á Opna húsinu milli kl. 10:00 og 12:00 virka morgna. Mætingin á Opna húsið hefur frá upphafi verið nokkuð jöfn, þetta hefur verið ca. 20 manna kjarni, þó aðeins hafi fækkað síðustu tvær vikur. Ástæðan fyrir fækkuninni er sú að fleiri og fleiri „fastagestir“ hafa verið að komast aftur út á vinnumarkaðinn, sem er gott. Við skorum því á alla atvinnuleitendur sem ekki hafa nú þegar litið við í Opna húsinu að kíkja á okkur og kynna þvi starfi sem þar fer fram. Vert er að taka fram að Opna húsið er ekki einvörðungu ætlað atvinnuleitendum því við tökum vel á móti öllum þeim sem eiga lausa stund milli kl. 10:00 og 12:00 og vilja líta við í kaffibolla og spjall. Stefnt er að því að bjóða upp á ýmskonar námskeið fyrir atvinnuleitendur, nú þegar hafa verið haldin tvö skyndihjálparnámskeið og þátttakan var nokkuð góð. Unnið er að því að bjóða upp á fleiri námskeið í samvinnu við samstarfsaðila okkar, t.d. tölvunámskeið fyrir byrjendur þar sem aðaláherslan verður lögð á internetnotkun og tölvupóstsamskipti. Í þrjú mars funduðu fulltrúar Framsýnar og Vinnumálastofnunar með atvinnuleitendum á Kópaskeri og Raufarhöfn. Á fundinum á Raufarhöfn kom fram vilji atvinnuleitenda til að koma á fót kaffimorgnum og íþróttatímum.



Hilmar Valur er mjög ánægður með árangurinum af starfinu. Höpur ungmenna er í verkefnum á vegum Framsýnar og Vinnumálastofnunar og þá hafa 13 einstaklingar fengið vinnu í gegnum atvinnumiðlun Skrifstofu stéttarfélaganna. Það er full ástæða til að skála fyrir árangrinum segir Hilmar og brosir.

Verið er að vinna í þeim málum og vonast er til að sú starfsemi fari í gang á næstu dögum. Einnig er stefnt að því að funda með atvinnuleitendum í Mývatnssveit og Þingeyjarsveit.

Verkefnið „Ungt fólk til athafna“ sem Framsýn er þátttakandi í er einnig á góðu róli. Markmiðið með því verkefni er að allir atvinnuleitendur á aldrinum 18-24 ára verði annaðhvort komnir í vinnu eða virkniúrræði fyrir 1. apríl. Þegar þetta er skrifað eru um 30 ungmenni komin í virkniúrræði eða í fulla vinnu á vegum Framsýnar og samstarfsaðila. Það ánægjulegasta við þetta verkefni er hversu virk ungmennin eru í verkefninu. Flest öll voru komin með nóg af því að „hanga“ heima hjá sér allan daginn og hafa ekkert fyrir stafni. Hér á Húsavík hafa Íþróttafélagið Völsungur, Norðurþing, Rauði krossinn, Framhaldsskólinn og Þekkingarsetrið boðið upp á ýmskonar verkefni, starfsnám, námskeið eða bóklegt nám fyrir þennan aldurshóp.

Allar frekari upplýsingar í sambandi við verkefnið er hægt að fá hjá Hilmar Val Gunnarssyni verkefnastjóra, annaðhvort í

Impra Nýsköpunarmiðstöð, starfsstöð á Húsavík.



Solveig Ýr Sigurgeirsdóttir og Erla Sigurðardóttir, starfsmenn Impru á Húsavík, komu í heimsókn á Skrifstofu stéttarfélaganna og gerðu starfsmönnum grein fyrir starfsemi Impru.

Impra á Nýsköpunarmiðstöð Íslands opnaði starfsstöð á Húsavík í maí á síðasta ári. Impra er deild innan Nýsköpunarmiðstöðvar Íslands og er miðstöð upplýsinga og leiðsagnar fyrir frumkvöðla og lítil fyrirtæki. Hjá Impru er á einum stað hægt að leita aðstoðar um allt sem við kemur viðskiptahugmyndum og almennum rekstri fyrirtækja. Hægt er að leita til sérfræðinga á ýmsum sviðum um leiðsögn og upplýsingar varðandi mismunandi þætti hugmynda og reksturs. Impra veitir einstaklingum og fyrirtækjum endurgjaldslausa leiðsögn við þróun viðskipta- og vöruhugmynda, stofnun og rekstur fyrirtækis og gerð

viðskiptaáætlana. Meðal hlutverka Impru er einnig að móta sértæk stuðningsverkefni sem stuðla að bættum rekstri og framgangi viðskiptahugmynda og miðla hagnýtri þekkingu um stofnun og rekstur fyrirtækja. Á vefsvæði Impru www.impra.is, er hægt að nálgast frekari upplýsingar og ýmsan nýtilegan fróðleik svo sem reiknilíkön til notkunar við áætlunargerð t.d. rekstrar- og fjárhagsáætlunar, upplýsingar um styrki, námskeið, stuðningsverkefni, leyfismál o.fl.. Skrifstofa Impru á Húsavík er staðsett á 3. hæð í gamla Kaupfélagshúsinu að Garðarsbraut 5. Þar eru tveir starfsmenn, Erla

Nýtt eldhús og góðar bókanir í sumar

Fulltrúi Framsýnar leit við hjá hótelsstjóra og starfsmönnum Fosshótelis Húsavíkur. Þar ræður ríkjum Jóna Árný Sigurðardóttir hótelsstjóri. Jóna var ánægð með lífið, sagði að þó nokkuð hefði verið um gistibókanir á hótelið í vetur og þá væru framundan þing og ráðstefnur á næstu mánuðum sem þau væru að undirbúa. Þá sagði hún að hótelið væri að fyllast í sumar og væru bókanir í ár með besta móti og talsvert betri en á síðasta ári. Af bókunum að dæma mætti reikna með miklum ferðamannastraumi til Húsavíkur í sumar, sem væri bara frábært. Hótelið sér einnig um mótuneyti fyrir Borgarhólsskóla sem er í næsta nágrenni við hótelið. Um 4 til 5 starfsmenn hótelsins sinna þessum störfum auk þess sem nokkrir starfsmenn skólans fylgja nemendum eftir úr skólanum og sjá til þess að allt fari vel fram og þeir fái nóg að borða



Jóna hótelsstjóri og Sigurður sem er margt til lista lagi. Í dag var hann að elda við annan mann. og drekka. Hótelið hefur einnig unnið að því að bæta aðstöðuna í eldhúsinu og er það nú orðið allt hið glæsilegasta og í samtölu við Jónu og aðra starfsmenn voru þeir afar ánægðir með breytingarnar á eldhúsinu. Almennt virðast ferðabjónustuaðilar á félagsvæði Framsýnar vera bjartsýnir á

Aðalfundur Þingiðnar



Aðalfundur Þingiðnar verður haldinn fimmtudaginn 6. maí kl. 20:00 í fundarsal félagsins.

Dagskrá

1. Venjuleg aðalfundarstörf
2. Önnur mál

Ársreikningur félagsins mun liggja fyrir á skrifstofu félagsins viku fyrir fund. Félagar fjölmennið. Góðar veitingar verða á boði.

Þingiðnar

Reglubundinn sparnaður

Ein besta leiðin til að spara er með reglubundnum sparnaði. Þú setur þér skýr markmið og ákveður hve háa upphæð þú vilt spara mánaðarlega. **Byrjaðu að spara strax í dag.**



Landsbankinn

landsbankinn.is

410 4000

